

佛
藏
輯
要



14

巴蜀書社

第一十四册

佛藏輯要

周紹良題



新學
子
PDG

目錄

瑜伽師地論釋

二

攝大乘論釋

一〇

大乘百法明門論

一一四

辯中邊論述記

一二五

辯中邊論頌

一二一

大乘莊嚴經論

二二六

大乘阿毗達磨集論

三六六

攝大乘論

四二〇

六門教授習定論

四七五

大乘五蘊論

四八一

大乘廣五蘊論

四八六

唯識二十論述記

四九五

唯識三十頌本論

五五八

成唯識論述記

五八一

大乘五藏論

四二一

入門對賢家論

四二五

翻大乘論

四二〇

大乘四攝至四果論

三六六

大乘其體要論

三二六

攝中觀論要

二二一

攝中觀論要

二二五

大乘百志即門論

一四四

翻大乘論要

一〇

翻大乘論要

一

目錄

{ 次 目 七 往 }

○瑜伽師地論釋 一卷

○攝大乘論釋
十卷

○瑜伽師地論釋 一卷
○攝大乘論釋 十卷

大藏不盡諸經論善人眼大乘世間令其計賴下野失安樂願聞法二苦處下問無畏難解意思其弟無種其
自公善界自乘果出三果滿悲願斯時二難始備此篇一答延下皆暫無暇解新即隨許長道小乘厭遠
修業漸有靈結二微如憶二乘解教又無難將前得聞羅亦知大輝谷梵自乘文義淨果主江更晉蘭一期制創一期善靈而善對境未來謂自則
諸言不下義難取言情善歸市一世初前空聲爲今觀靜端若無昧難強密意證官見姑處音二難始備此篇一
一香更音氣定諸空不下義難取言情善歸市一世初前空聲爲今觀靜端若無昧難強密意證官見姑處音二難始備此
各為自乘到出世善者三乘果出上流外無難與善為人天乘到世間等善人天果領惡想姑處音二難始備此
編一微取來甘露學燈曰獨好香謝念利某軍開朗姑未獨好香問客火器治興盛姑二微一世音響畏中音靜
臨出離恨盆云同開音二難始備此篇一微取來雖止悲聲入壯壯姑二微平善保益突樂指音靜姑處音二難始
付也報喻大篇中 定今翻代聖之食 微令五品常無盡 既益安樂福舍編
榮隆半臥吸無悶 此篇報親菩莊牙 辭候齊疏吸大消 具顯諸乘風大壽 普賢其文無音聲
銷城望苦無難斷 指出最勝慈甘給 命受美音自滿足 真欲類益滿世間 善書無礙守五雨
普爲降樂臨前前 寶鏡素潔切要姿 細端正合解前香 詞命慈悲吸宝仗 發強無善此靜全
增顯天人大覺尊 誠願普慈普圓滿 無土文弄頂以慈 玉時愛學樂寶衆 靜首無懼大慈刃

最勝子等諸菩薩造

三藏法師玄奘奉詔譯

本地分中五識相應地之一

敬禮天人大覺尊。福德智慧皆圓滿。無上文義真妙法。正知受學聖賢衆。稽首無勝大慈氏。普爲利樂諸有情。廣採衆經眞要義。略說五分瑜伽者。歸命法流妙定力。發起無著功德名。能於聖者無勝海。引出最極法甘露。食受美音自滿足。復爲饒益諸世間。等注無窮字花雨。榮潤牟尼如意樹。此論殊勝若蓮花。猶妙寶藏如大海。具顯諸乘廣大義。善釋其文無有遺。於此瑜伽大論中。我今隨力釋少分。爲令正法常無盡。利益安樂諸含識。

今說此論所爲云何。謂有二緣故說此論。一爲如來無上法教久住世故。二爲平等利益安樂諸有情故。復有二緣故說此論。一爲如來甘露聖教已隱沒者。憶念採集重開顯故。未隱沒者。問答決擇倍興盛故。二爲一切有情界中有種姓者。各依自乘修出世善。得三乘果。出生死故。無種姓者。依人天乘。修世間善。得人天果。脫惡趣故。復有二緣故說此論。一者或有於多說空不了義經。如言計著撥無一切憎背有教。爲令隨悟諸法有相。解經密意捨無見故。二者復有於多說有不了義經。如言計著執有一切厭怖空教。爲令隨悟諸法無相。解經密意捨有見故。復有二緣故說此論。一爲成就菩薩種姓補特伽羅。唯依大教。遍於諸乘文義行果。生巧便智。斷一切障。修一切善。證佛菩提。窮未來際。自他利樂無休廢故。二爲成就二乘種姓及無種姓補特伽羅。亦依大教。各於自乘文義行果。生巧便智。斷煩惱障。伏諸蓋。纏修自分善。得自乘果。出離三界諸惡趣故。復有二緣故說此論。一者或有宿習。無知猶豫顛倒。執著外道小乘邪教。故於大乘不能信解。爲善分別大乘法相。令其信解了達。決定離顛倒故。二者復有聞諸契經種種意趣甚深難解。其心迷亂。誹毀不信。爲善開示。令生信解。饒益彼故。復有二緣故說此論。一爲攝益樂略言論勤修行者。採集衆經廣要法義。略分別故。二爲攝益樂廣言論勤說法者。於一一法。開示無邊差別義故。復有二緣故說此論。一爲開顯諸法實

相問答決擇立正論故。二爲滅除一切妄執。問答決擇破邪論故。復有二緣故說此論。一爲顯了遍計所執情有理無。依他起性圓成實性理有情無。令捨增益損減執故。二爲顯了世間道理。證得勝義法門差別。令修二諦無倒解故。復有二緣故說此論。一爲開闡隨轉真實二種理門。令知二藏三藏法教不相違故。二爲開闡因緣唯識無相真如四種理門。令修觀行有差別故。復有二緣故說此論。一爲示現境界差別。令知諸法自性相狀位差別故。二爲示現修行差別。令知三乘方便根本果差別故。如是等類所爲諸緣。處處經論種種異說。當知皆是此論所爲。今說此論所因云何。謂諸有情無始時來於一切法處中實相。無知疑惑顛倒僻執。起諸煩惱。發有漏業輪迴五趣。受三大苦。如來出世隨其所宜。方便爲說種種妙法。處中實相。令諸有情知一切法如是如是。如是空故。非有如是如是。有故。非空。了達諸法非空。非有遠離疑惑顛倒僻執。隨其種姓起處中行。漸次修滿。隨其所應。永滅諸障。得三菩提。證寂滅樂。佛涅槃後。魔事紛起。部執競興。多著有見。龍猛菩薩證極喜地。採集大乘無相空教。造中論等。究暢真要。除彼有見。聖提婆等諸大論師。造百論等。弘闡大義。由是衆生復著空見。無著菩薩位登初地。證法光定。得大神通。事大慈尊。請說此論。理無不窮。事無不盡。文無不釋。義無不詮。疑無不遣。執無不破。行無不修。果無不證。正爲菩薩令於諸乘境界等皆得善巧。勤修大行。證大菩提。廣爲有情常無倒說。兼爲餘乘令依自法修自分行。得自果證。如是略說此論所因。

今說瑜伽師地論者。名義云何。謂一切乘境界果等所有諸法。皆名瑜伽。一切並有方便善巧相應義故。境瑜伽者。謂一切境無顛倒性。不相違性。能隨順性。趣究竟性。與正理教行果相應故。名瑜伽。此境瑜伽雖通一切。然諸經論就相隨機種種異說。或說諸法四種道理。名爲瑜伽。觀待作用。法爾證成。總攝一切正道理故。或說二十四不相應行中。一名瑜伽。因果相稱無乖違故。此二並如決擇分等處處廣說。或說雜染清淨無性。名爲瑜伽。除違契順最爲勝故。如大梵問契經等說。諸瑜伽師觀無少法可令其生及可令滅。亦無少法欲令證得及欲現觀。謂於一切雜染無性。瑜伽中行觀無少法可令其生及可令滅。及於一切清淨無性。瑜伽中行觀無少法欲令證得及欲現觀。或說究竟清淨真如。名爲瑜伽。理中最極一切功德共相應故。如入楞伽契經中說。若觀真義。除去分別。遠離瑕穢。無有能取。亦無所取。無解無縛。爾時在定。常見瑜伽不應疑慮。大義經中說。從一法增至百法。皆名瑜伽。法門雖別。義無違故。廣義經中說。蘊

界處緣起諦等皆名瑜伽攝一切境順機宜故。於如是等諸經論中說一切境皆名瑜伽。總具四性順四法故。行瑜伽者謂一切行更相順故。稱正理故。順正教故。趣正果故。說名瑜伽。此行瑜伽雖通諸行。然諸經論就相隨機種種異說。如辯瑜伽師地經中正修諸行說名瑜伽。總攝一切相應行故。月燈經中修三十七菩提分法說名瑜伽。此於一切順果行中。最為勝故。於大分別六處經中。辯奢摩他毗鉢舍那平等運道說名瑜伽。如是止觀衆行主故。海慧經中修三摩地說名瑜伽。住心發行此最強故。顯揚論等信欲方便精進四法說名瑜伽。作意或智說名方便。此四通生一切行故。聞所成地別辨九道說名瑜伽。會理除惑位別勝故。謂世出世加行無間解脫勝進轉中上道修所成地。總辨修習諸對治道說名瑜伽。為樂略者。總說修故。有處說緣諸地所攝無顛倒智名為瑜伽。緣諸地法無顛倒智行中勝故。有處復說方便善巧或唯方便名為瑜伽。作意與智發行勝故。或就最初發悟勝故。功德實性契經中說諸緣起觀名為瑜伽。緣起觀智於出生死最為要故。正行經中說正見等八支聖道名為瑜伽。趣涅槃城此為勝故。毗奈耶經說修戒等名曰瑜伽。戒定慧學因中勝故。大義經中說修一切世出世行分位差別皆名瑜伽。正行階位相符順故。如是皆說共聲聞行名為瑜伽。通證三乘行中勝故。慧到彼岸契經中說觀空作意名為瑜伽。發起大行此最勝故。如彼經言菩薩所有大瑜伽者。謂空作意菩薩由此空作意故不墮聲聞及獨覺地。乃至能淨諸佛土等。即彼經中復說般若波羅蜜多名勝瑜伽。導大乘行此殊勝故。如彼經言菩薩所有諸瑜伽中。慧度瑜伽最上最勝。廣說乃至是無等等。何以故。如是般若波羅蜜多是為無上瑜伽法故。餘處說此慧度所攝無分別定名為瑜伽。能發一切勝功德故。餘處復說菩薩所有殊勝慧悲平等雙轉名為瑜伽。能證無住大涅槃故。如是等說諸不共行名為瑜伽。能證無上佛菩提故。於如是等諸經論中說一切行皆名瑜伽。具上所說四種義故。果瑜伽者謂一切果更相順故。合正理故。順正教故。稱正因。故說名瑜伽。此果瑜伽雖通諸果。然諸經論就相隨機種種異說。分別義經說力無畏不共佛法名曰瑜伽。能伏諸魔制諸異論勝餘乘故。殊勝經中說佛所證無住涅槃名為瑜伽。盡未來際無所住故。大義經中說如來地無分別智及以大悲名為瑜伽。自利利他常無盡故。辨說瑜伽師地經中佛地功德皆名瑜伽。窮於法界無斷盡故。分別三乘功德經中三乘果德名為瑜伽。皆與正理等相應故。讚佛論說三身三德皆是瑜伽。一切果德不相離故。集義論說果位所

攝有爲無爲諸功德聚。皆是瑜伽等至究竟和合位故。於如是等諸經論中。一切果德。皆名瑜伽。具上義故。如是聖教。亦名瑜伽。稱正理故。順正行故。引正果故。有義正取三乘觀行。說名瑜伽。數數進修。合理順行。得勝果故。境界聖教。瑜伽境界。故論。論。亦名瑜伽。如是此論。論。兩字尙遍擾動。聖言大海。何況具說。論。地。恐難受持。故且略說三乘行者。由聞思等。次第習行。如是。隨分滿足。展轉調化。諸有情。故名。論。或諸如來。證。隨其所應。持此。調化一切聖弟子等。令其次第修正行。故名。論。地。謂境界。所依所行。或所攝義。是。所行境界。故名爲地。如龍馬地。唯此中行。不出外故。或。依此處所增長。白法故名爲地。如稼穡地。或。所攝智。依此現行。依此增長。故名爲地。如珍寶地。或。行在此中。受用白法。故名爲地。如牛王地。或諸如來名。師平等智等行。在一切無戲論界。無住涅槃。中故。是彼所攝。故名爲地。或十七地攝屬一切。論。故如國王地。是故說名。論。地。問答決擇諸法性相。故名爲論。欲令證得。論。地。而說此論。故以爲名。如對法論。或復此論。無倒辯說。論。地。故以爲稱。如十地經。或復此論。依止此地。故以爲號。如水陸花。由是論名。論。地。今此論體。總有五分。一本地。分略廣。分別十七地義。二攝決擇。分略攝決擇十七地中深隱要義。三攝釋。分略攝釋諸經儀則。四攝異門。分略攝經中所有諸法名義差別。五攝事。分略攝三藏衆要事義。此論既有如是五分。何故但名。論。地。就初立名。故無有失。又一切法。無不皆是。論。地。以。論。師用一切法爲依緣。故此中存略。且說十七又十七地。具攝一切文義。略盡後之四分。皆爲解釋十七地中諸要文義。故亦不離。論。地。由是此論。用十七地。以爲宗要。雖復通明諸乘境界。等然說論者。問答決擇諸法性相。意爲菩薩令於一切皆得善巧。修成佛果。利樂無窮。是故此論。屬菩薩藏阿毗達磨。欲令菩薩得勝智故。

論曰云何。論。地。謂十七地。釋曰。初問云何。論。地者。總問此論一部宗要。問者。先聞諸經所說。論。地。其義未了。故爲此問。謂辨。論。地。經中數說正修。論。地。月燈經中亦說修習。論。地。如是。非一如前廣說。或作論者。先總受請。論體五分。盡在中心。欲爲學徒分別解說。自假興問。爲起說因。故問云何。論。地。若不爾者。先無略說。無容歎問。此地云何。又發問者。畧有五種。一不解故問。二疑惑故問。三試驗故問。四輕觸故問。五爲欲利樂有情故問。

今是第五專爲利樂諸有情類造斯論故謂十七地者總集所說瑜伽師地略有十七若廣安立地位無邊一一地中分位差別義無邊故如是一轉總問總答
論曰何等十七。喟陀南曰

五識相應意 有尋伺等三 三摩地俱非 有心無心地 聞思修所立 如是具三乘 有依及無依 是名十七地

釋曰何緣更問何等十七。雖聞總數未了別名故復爲問。喟陀南者先略頌答略集地名。施諸學者名喟陀南。五識相應者謂五識身相應地意謂意地有尋伺等三者謂有尋有伺等三地。三摩地俱者謂三摩地俱名三摩。多地非者謂非三摩地俱名非三摩。多地此就一相且別地名非盡理說如是二名互寬狹故。三摩地名通定不定唯在有心想乘及有餘依無餘依地一一別名如後廣釋

論曰一者五識身相應地。二者意地。三者有尋有伺地。四者無尋唯伺地。五者無尋無伺地。六者三摩。多地。七者非三摩。多地。八者有心地。九者無心地。十者聞所成地。十一者思所成地。十二者修所成地。十三者聲聞地。十四者獨覺地。十五者菩薩地。十六者有餘依地。十七者無餘依地。如是略說十七名爲瑜伽師地

釋曰次廣列名重答前問。言五識身相應地者謂眼等根是眼等識不共所依眼等不爲餘識依故。又是親依眼等利鈍識明昧故。又同時依必俱有故。非如意等由是五識用眼等根標別其名猶如麥芽如鼓聲等故名五識。由所依根有形礙故。又必不離所依身故。猶如身受故名爲身。又復身者依義體義如六識身六思身等依五識身建立此地故名相應。如律中說王相應論賊相應論謂依王賊而興言論此亦如是。雖此地中分別多法五識爲主是故偏說。又五識身相應心品總名相應於此地中雖明多法以心心所勝故別說。又相應者是攝屬義謂此地中說五識身所攝屬法即是自性所依所緣助伴作業故名相應地。如前說自後諸地識身相應隨其所應亦有通者略故不說。言意地者六七八識同依意根略去識身相應三語故但言意。又實義門雖有八識然隨機門但有六識六七八識同

第六攝就所依名。故但言意所依非色。或離於身。猶如心受。故不言身。相應准前。故略不說。又六七八雖皆同有心意識義。心法意處識蘊攝。故然意義等。故但言意皆是思量意根攝。故第八持種心義偏強。第六普遍了別境界識偏強。是故不說心地識地身及相應略。故不說地義。如前何緣五識合立一地。說在最初餘識立一。說在第二。五識同無當說分別所緣等業。所說事少。故合立一。說在最初意地。翻此故別立一。說在第二。又以五識同依色根。同緣色境。故合立一。餘依無色所緣不定。故別立一。自性依緣。麤細次第。故說先後。又以五識同現量攝。故合立一。說在最初餘識不定。或現或比。或非量攝。故別立一。說在第二。如是二地。自性依緣助伴作業。合為體。故攝一切法。應知此中。以一切法不離識。故依識起。故識為體。故識最勝。故先依八識建立二地。如是八識。自性依緣助伴作業。等後當廣說。有尋有伺等三地者。尋謂尋求。伺謂伺察。或思或慧。於境推求。麤位名尋。即此二種。於境審察。細位名伺。非一剎那二法相應。一類麤細前後異。故今依此二建立三地。有義此三就二前後相應建立。謂欲界地及初靜慮。麤心心所前後相續。可有尋伺共相應。故名有尋有伺地。靜慮中間。麤心心所前後相續。決定無有尋。唯可與伺共相應。故名無尋唯伺地。第二靜慮已上諸地。諸心心所前後相續。決定不與尋伺相應。名無尋無伺地。若欲界地及初靜慮。靜慮中間。細心心所不與尋伺共相應者。及一切色不相應行。諸無為法。不與尋伺共相應。故亦皆說名無尋無伺地。故後論言。有尋有伺地。無尋唯伺地。一向是有心地。無心睡眠。無心悶絕。無想定。無想生滅盡定。及無餘依涅槃界。名無心地。有義此三就二離欲分位建立。謂欲界地及初靜慮。諸法假者。於尋及伺。並未離欲。名有尋有伺地。靜慮中間。諸法假者。尋已離欲。伺未離欲。名無尋唯伺地。第二靜慮已上諸地。諸法假者。於尋及伺。並已離欲。名無尋無伺地。若在下地。並已離欲。亦得說名無尋無伺。故後論言。此中由離尋伺欲。故說名無尋無伺地。不由不現行。故所以者何。未離欲界欲者。由教導作意差別。故於一時間。亦有無尋無伺。意現行。已離尋伺欲者。亦有尋伺。現行。如出彼定。及生彼地。如實義者。此三但就界地建立。謂欲界地及初靜慮。有漏無漏諸法。於中尋伺俱可得。故名第一地。靜慮中間。有漏無漏諸法。於中無尋唯有伺。故名第二地。第二靜慮已上諸地。有漏無漏諸法。於中尋伺俱無。有故名第三地。故後論言。此中欲界及初靜慮。若定若生。名有尋有伺地。靜慮中間。若定若生。名無尋唯伺地。第二靜慮已上。色界無色界全名無尋無伺地。

無漏有爲初靜慮定亦名有尋有伺地依尋伺處法緣眞如爲境入此定故不由分別現行故餘如前說若就相應及就離欲建立三地攝法不盡亦大雜亂雖言有尋有伺等地唯是有心此就一門麤辨地相於此門中唯說第二靜慮已上無尋無伺地中無想定無想生滅盡定名無心地餘一切位名有心地後有四門復異建立如後當說雖言此中由離尋伺欲故說名無尋無伺地然唯說彼第二靜慮已上諸地必定已離尋伺地欲不言已離尋伺欲者下地諸法亦得說名無尋無伺若如是者未離下地尋伺欲者上地諸法亦應說名有尋伺等如是建立成大雜亂是故此三唯就界地上下建立

所言三摩呬多地者謂勝定地離沉掉等平等能引或引平等或是不等所引發故名等引地有義此名唯攝一切有心諸定皆能平等引功德故不通無心以前頌中言三摩地俱故三摩地者是別境中心數法故二無心定不能等引諸功德故非等引地若爾何故等引地說此等引地略有四種謂靜慮解脫等持等至言靜慮者謂四靜慮言解脫者謂八解脫言等持者謂空等持無願等持無相等持言等至者謂五現見等至八勝處等至十遍處等至四無色等至無想等至滅盡等至此無有失二無心定是等引果故與其名實非等引有義此名通有心位及無心位所有定體若有心定平等能引諸功德故亦引平等根大等故及離沉掉戒無悔等平等方便所引發故名爲等引若無心定雖不能引殊勝功德而引平等根大等故是平等定所引發故亦名等引若爾何故前頌中言三摩地俱此無有失頌中文略且言彼俱其實等引非俱亦是後說等引通無心故如實義者等引地名有通有局有心無心兩位俱攝故名爲通後說無想滅盡定亦是等引地體故唯在有漏無漏勝定非欲界等一切散心故名爲局以後說言唯靜慮等名等引地非於欲界心二境性由此等引無悔歡喜安樂所引欲界不爾准此上界若在散心亦非等引同欲界故由此相對得作四句或等持俱非等引地謂欲界等散心位中三摩地俱心心所等或等引地非等持俱謂定位中三摩地體及無想定滅盡定位所有諸法或等持俱亦等引地謂諸靜慮及諸無色有心定位心心所等除三摩地或有俱非謂除上位所有諸法又三摩地三摩鉢底三摩呬多名有寬狹三摩地名目心數中等持一法通攝一切有心位中心一境性通定散位然諸經論就勝但說空無願等名三摩地三摩鉢底通目一切有心無心諸定位中所有定體諸經論中

就勝唯說五現見等相應諸定。名為等至。等引地名。通目一切有心無心。定位功德。故此地中。通攝一切定位功德。由是總故。偏目地名。言非三摩呬哆地者。翻上易了。無煩廣釋。如是二地。總攝一切定。非定位。所有諸法。

所言有心無心地者。略就五門。建立差別。一就地總說門。謂五識身相應地。意地。有尋有伺地。無尋唯伺地。此四一向是有心地。無尋無伺地。中除無想定。并無想生。及滅盡定。所餘一向是有心地。若無想定。并無想生。及滅盡定。是無心地。於此門中。無心睡眠。無心悶絕。亦名有心。有七八故。唯無想定等心。不相應行。與心相違。名無心地。二心亂不亂門。謂四倒等。所倒亂心。名無心地。失本性故。三心生不生門。謂若緣具。此心得生。名有心地。若緣不具。彼心不生。名無心地。於此門中。隨此心生。名有心地。彼心不生。名無心地。四分位建立門。謂除六位。名有心地。若無心睡眠。位。無想定。位。無想生。位。滅盡定。位。及無餘依。涅槃界。位。名無心地。五就真實義門。謂唯無餘依。涅槃界。中諸心。皆滅。名無心地。餘位。由無諸轉識。故假名無心。由第八識未滅盡。故名有心地。如是二地。諸門差別。進退不定。

聞所成地者。謂從聞所生。解文義。慧及慧相應。心心所等。思所成地者。謂從思所生。解法相。慧及慧相應。心心所等。修所成地者。謂從修所生。解理事。慧及慧相應。心心所等。聞。謂聽聞。即是耳根發生耳識。聞言教。故思。謂思慮。即是思數發生智慧。思擇法。故修。謂修習。即是勝定。發生智慧。修對治。故從此三種發生三慧。及相應法。等名三地。體三慧廣義。如後分別。如是三地。用三慧品。心心所等。及所得果。以為自性。故後論言。修所成地。亦是。有餘無餘依地。

聲聞地者。謂佛聖教聲。為上首。從師友所聞。此教聲。展轉修證。永出世間。小行小果。故名聲聞。如是聲聞種性。發心修行。得果。一切總說。為聲聞地。

獨覺地者。常樂寂靜。不欲雜居。修加行滿。無師友教。自然獨悟。永出世間。中行中果。故名獨覺。或觀待緣。而悟聖果。亦名緣覺。如是獨覺種性。發心修行。得果。一切總說。為獨覺地。菩薩地者。希求大覺。悲愍有情。或求菩提。志願堅猛。長時修證。永出世間。大行大果。故名菩薩。如是菩薩種性。發心修行。得果。一切總說。為菩薩地。三乘大義。後當廣辨。有餘依地者。謂有餘依。涅槃地也。依者。即是有漏所依。略有八種。一施設依。謂五取蘊。由依此。故施設假者。名種性等。二攝受依。謂七攝事。即自父母。妻子。奴婢。作使。僮僕。朋友。眷屬。三住持依。謂四種食。四流轉依。謂四識住。十二緣起。五障礙依。

謂諸天魔六苦惱依。謂諸欲界七適悅依。謂諸定樂八後邊依。謂阿羅漢相續諸蘊。今全取一最後邊依。除六攝事。流轉障礙。取餘一分。又此地中有四寂靜。一苦寂靜。謂當來苦畢竟不生。二惑寂靜。謂諸煩惱畢竟不生。三業寂靜。謂不造惡修習諸善。四捨寂靜。謂六恒住於六根門。不喜不憂。安住上捨。正念正知。阿羅漢等住無學地。具四寂靜。有少餘依。是故說名有餘依地。此地即是二乘無學身中有漏無漏諸法。總爲自性如來。雖無真實身心。有漏餘依。而有變化。似有漏依。故就化相。亦得說名有餘依地。無餘依地者。謂無餘依涅槃地也。一切有漏餘依皆捨。二乘有爲無漏亦捨。如來雖有有爲無漏。而無一切有漏餘依。故亦說名無餘依地。於此地中。唯有清淨真如。所顯甚深功德。離諸分別。絕諸戲論。不可說爲蘊界處等。及人天等。若即若離。若有若無。所有名相。皆是假說有義。此地正用究竟擇滅。眞如無爲。爲性兼以如來有爲無漏功德。爲性如來功德甚深離相。不可說故。不言亦攝五識地等。理實亦攝有義如來有爲功德。有餘依攝。無爲功德。無餘依攝。故後論言。無餘依地。五地一分。謂無心地。修所成地。聲聞獨覺及菩薩地。瑜伽師地論釋一卷。

攝大乘論釋目錄

卷第一

總標綱要分第一

所知依分第二之一

卷第二

所知依分第二之二

卷第三

所知依分第二之三

卷第四

七

藏

經

攝大乘論釋目錄

五

主七

所知相分第三之一

卷第五

所知相分第三之二

卷第六

入所知相分第四

卷第七

彼入因果分第五

釋彼修差別分第六

卷第八

增上戒學分第七

增上心學分第八

增上慧學分第九之一

卷第九

增上慧學分第九之餘

果斷分第十

果智分第十一之一

卷第十

彼果智分第十一之餘

攝大乘論釋目錄

終

三藏法苑珠林卷第十
攝大乘論釋目錄

攝大乘論釋卷第一

世親菩薩造

三藏法師玄奘奉詔譯

總標綱要分第一

諸破所知障翳暗 盡其所有如所有 諸法眞俗理影中 妄執競興於異見 斯由永離諸分別
無垢清淨智光明 獲得最勝三菩提 惑障并習斷常住 能無功用於十方 隨諸有情意所樂
開示殊勝極廣大 三種解脫等方便 由無分別有大悲 生死涅槃俱不住 由攝妙慧巧方便
究竟至極自他利 如是世尊等所覺 等所開示微妙法 若能於此善修行 必獲寂然甘露迹
誹謗決定沒無底 甚久無能大苦海 學無學僧居道果 普勝一切所餘僧 善逝無垢功德河
眞實於中而沐浴 爲世無上良福田 雖復投於微少善 而便廣大如地空 慧者由斯得解脫
故我至誠身語思 頻修無倒歸命禮 軌範諸師今減少 眞法正理多渾濁 皆由聰叡邪慢人
依自尋思失教證 我師於此非前後 逢事聖者大慈尊 依止無動出世間 放大法光三摩地
闡揚妙法流清譽 如日舒光遍十方 文光無垢最甚深 諸了義經所隨順 廣大句義皆微妙
悉以綺飾自莊嚴 能令聰敏者融心 無詔無僑生愛敬 極難通法慧無滯 不住利養稱譽中
於樂常無染著心 故名決定稱自德 諸賢聖者常親近 一切世間無不知 無著名稱普皆聞
功德顯然同所讚 無盡辯者等所雨 甘露文義微妙法 多從彼聞自力微 少受猶如乞雨鳥
從廣決擇集少分 以言略釋攝大乘 願此所作遍饒益 怖於極大文海者
論曰阿毗達磨大乘經中薄伽梵前已能善入大乘菩薩爲顯大乘體大故說謂依大乘諸佛世尊有十相殊勝殊勝
語 釋曰依止何義從何所因而作是說廣博所知深大法性若離諸佛菩薩威力誰於此中能造釋論復由何義
於此論初說如是事由若離舉阿毗達磨大乘經言則不了知論是聖教爲此義故又爲顯經名如言十地經故說如

是阿毗達磨大乘經言。復有餘義。爲顯彼經是聖教故。初說如是阿毗達磨大乘經言。今造此論有所用者。爲欲開曉無知者。故爲顯法門別名。故舉阿毗達磨爲顯通名。故舉經言。爲簡聲聞阿毗達磨復舉大乘。由今亦有非聖所說阿毗達磨。如現有人自尋思慧。謂是佛說阿毗達磨。或聲聞說。或世智造。又言大乘素怛纁者。爲欲顯示異聲聞等。爲欲顯示菩薩藏攝。故復舉其阿毗達磨。又藏攝者。謂入自宗素怛纁藏。現滅自惑。毗奈耶藏。即大乘中菩薩煩惱。以諸菩薩種種分別爲煩惱。故不違最勝阿毗達磨。廣大甚深。爲其相故。此中三藏者。一素怛纁藏。二毗奈耶藏。三阿毗達磨藏。如是三藏下。乘上。乘有差別。故則成二藏。一聲聞藏。二菩薩藏。此三及二何緣名藏。由能攝故。謂攝一切所應知義。復由何緣建立三藏。由九種緣。謂爲對治疑惑。立素怛纁藏。若於彼彼義中有疑惑者。卽爲決定宣說。彼彼義故。爲對治二邊受用。立毗奈耶藏。謂遮有罪著欲樂邊受用。故及開無罪不自苦邊受用。故爲對治自見取執。立阿毗達磨藏。顯照諸法無倒相。故又能說三學。故立素怛纁藏。能成辦增上戒增上心。故立毗奈耶藏。謂具尸羅。卽無悔等。漸次能得三摩地。故能成辦增上慧。故立阿毗達磨藏。謂能決擇無倒義。故又能說法義。故立素怛纁藏。能成滿法義。故立毗奈耶藏。謂爲調伏煩惱。勤修行者。便於此二能通達。故能於法義決擇善巧。故立阿毗達磨藏。由此九緣。許立三藏。又此皆爲解脫生死。此復云何。能得解脫。熏覺寂通。故得解脫。謂由聞熏習心。故由思覺悟。故由修奢摩他寂靜。故由證毗鉢舍那通達。故能得解脫。又若略說此素怛纁毗奈耶阿毗達磨藏。各有四義。菩薩於此若具了知。則能證得一切智性。聲聞於此雖但解了一伽他義。亦得漏盡。云何此三各有四義。謂能貫穿。依故相。故法。故義。故名素怛纁。此中依者。謂於是處。由此爲此。而有所說。相者。謂世俗諦相。勝義諦相。法者。謂蘊界處緣起。諦食靜慮。無量無色。解脫勝處。遍處。菩提分。無礙解。無諍等義者。謂隨密意。對故數。故伏。故通。故應。知名阿毗達磨。謂阿毗達磨亦名對法。此法對向無住涅槃。能說諦菩提分。解脫門等。故阿毗達磨亦名數法。於一一法數數宣說。訓釋言詞。自相共相等。無量差別。故阿毗達磨亦名伏法。由此具足。論處所等。能勝伏他論。故阿毗達磨亦名通法。由此能釋通素怛纁義。故犯罪故等。起故還淨。故出離。故應知名毗奈耶。此中犯罪者。謂五衆罪等起者。謂無知。故放逸。故煩惱盛。故不尊敬。故而犯諸罪。還淨者。謂由意樂。不由治罰。如受律儀。出離者。有七種。一各各相對說悔所犯。二誓受治罰。謂授學等。三等有妨害。先制學